

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საიას ორგანიზებით პრობაციონერებს ტრენინგი ჩაუტარდათ

19, 20 და 21 ივლისს, ახალგაზრდა იურისტთა ასოციაციაში, საქართველოში ეუთოს მისიის ფინანსური მხარდაჭერით, სასჯელაღსრულების სისტემის გამჭვირვალობის პროექტისა და იურიდიული სწავლებისა და ინფორმაციის ცენტრის საქმიანობის ფარგლებში, იუსტიციის სამინისტროს თბილისის პრობაციის 20 არასრულწლოვან პრობაციონერს სამდღიანი ტრენინგი ჩაუტარდათ.

აღნიშნული ტრენინგის თემატიკა მოიცავდა პრაქტიკული სამართლის, სისხლის სამართლისა და ადამიანის უფლებების საკითხებს, ასევე იმიტირებულ სასამართლო

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



პროცესს სისხლის სამართალში.

პრაქტიკული სამართლის ტრენერების, გურანდა რომანაძისა და ლევან ფანიაშვილის ლექციების მეშვეობით პრობაციონერები გაეცნენ მათ არსებით უფლებებს, სამართლებრივ პროცედურებს.

პრობაციონერები აქტიურად ჩაებნენ ტრენინგით გათვალისწინებულ თითოეულ სამუშაო მოდულში. ისინი გაეცნენ საქართველოს კანონმდებლობას და წარმოდგენა შეექმნათ ისეთი საკითხების შესახებ, როგორიცაა ხელშეკრულების ფორმები და დადების წესი, წესდების შემუშავება და ა.შ.

აღნიშნული ტრენინგ-კურსი ინტერაქტიულად წარიმართა, განსაკუთრებით იმიტირებული სასამართლო პროცესის მსვლელობისას, რომელსაც უძღვებოდა დამოუკიდებელი ადვოკატი სოფო სოხაძე.

ტრენინგის დასასრულს პრობაციონერებს გადაეცათ სერტიფიკატები და მათთვის მოეწყო გასართობი ღონისძიება – კინოთეატრში ფილმის სანახავად წასვლა.